

Maskenball Menzberg (28. Januar 2017)

S erschte Mou schminke am 17:30. $\frac{3}{4}$ h heimer gha, das isch Rekord. När heimer no e Überraschigsbsuech vom Nicci mit ihrem 1-monet aute Sohn Michael übercho. Läcki isch das e hänzige Buebu. Ou d Esther Franz, wie immer aus Pavarazzi, het us bsuecht und die erschte Fotos vo us gschosse.

När simer id Ribimatte uf Huttu, wo der Car vor Sommer AG, Grünen uf us gwartet het. Abfahrt isch für 19:00 agseit gsi. Wo aui igstige si gsi, simer du richti Menzberg losgfahre.

Womer der si acho heimer usegfunge, dass mir die einzigi Gugge si. Kes Problem. Nachem 1. Uftritt simer id Bar abe eis go näh. Die hei der Schwarzlicht gha. Ui hei mir glüchtet, mir si richtig zur Gäutig cho.

När isches scho ume 2. Uftritt gange. Mir si richtig guet acho. Wie die us när grüemt hei, i bi auso unger dr Schminki no rot worde. ☺ Es het dr ganz Obe mega gfägt.

Am haubi 2 simer glücklich u müed wider heizue gfahre.

By Monika Brechbühler